

کجه سی پینده اولان تفاوتی دخی عینی رشوتدر * هر نوع دو کونلرده وعقد
 جمعیلرنده خدمه دولته مخصوص اولق اوزره کرک حرملر طرفدن و کرک
 ار ککارجا نئندن خدمه به ویریلان عادنی بخشش لر مستثنا اولق اوزره
 پای انداز نامیله وسارنأ و یلات واسامی ایله از وچوق ویریلان هدایا دخی
 رشوت حکمنده در * فقط ار باب احتیاج طرفدن عطیه و صدقه استدا سنه
 وسیله اتخاندیله تقدیم اولنان و بین الاحباب محبه تعاطی قلنان میوه وسارنأ کولات
 و مشروبات مثلاً اشیای جزیه و محما جین و مستحقینه و خدمه به کجه
 ویریلان عطایا و بخشش لر و دولجه پارخصت سنیه انان هدایای رسمیه
 وعلنیه رشوت دکلدرد

کرک طوغریدن طوغری به بالذات و کرک آدم لری معرفتیله بالواسطه
 رشوت آلا نه مرثی و ویرنه راشی و بونلرک اره سنده واسطه اولانه
 رانش دینلور

التمش سکنجی ماده مرثی هر کیم اولور ایسه اولسون وهر قنغی
 رتبه و منصب و مأموریتده بولنور ایسه بولسون ابتدا المش اولدیغی
 رشوت راشینک جزای نقدیسی اولق اوزره کندوسندن استزداد
 و برمثلی دخی کندویه جزا اولق اوزره اول مرثیدن اندقدنصکره
 بو ججه بی اکر ایلك دفعه اوله رق ایشمش ایسه موقتا قلعه بند قلنور
 و الی سنه مدتله طرد جزا سنه مستحق اولور

التمش طقوزنجی ماده راشی هر کیم اولور ایسه اولسون وهر قنغی
 رتبه و منصب و مأموریتده بولنور ایسه بولسون ویردیگی رشوت اقیچه سی
 ماده سابقه ده بیان اولدیغی اوزره کندویه جزای نقدی اولق اوزره
 مرثیدن اندقدنصکره کندوسی عینیه مرثی کبی بو ججه بی اکر ایلك
 دفعه اوله رق ایشمش ایسه موقتا قلعه بند قلنور و الی سنه مدتله طرد جزا سنه
 مستحق اولور

یشنجی ماده رانش هر کیم اولور ایسه اولسون و قنغی رتبه و منصب